

---

# BAAMLE EO

---

## JUON NAAN IN KEAN NAN LAJ IN

BUREEJTŌNJI EO KEIN KAJUON IM DOULUL EO AN RIJILŌK RO JOŃOULRUO AN  
KABUŃ EO AN JISŌS KRAIST IM ARMEJ RO REKWOJARJAR ILO RAAN KEIN ĀLIKTATA

**K**ŌM, BUREEJTŌNJI EO KEIN KAJUON im Doulul eo an Rijilŏk ro JoŃoulruo an KabuŃ eo an Jisŏs Kraist im Armej ro Rekwojarjar ilo Raan Kein Āliktata, pen ilo kwaļok bwe mare ikŏtaan juon emŃaan im juon kŏrā ej kapit jān Anij im bwe baamle eo ej dilepen karŏk eo an RikŏmānŃan eo Ńan jipadpad eo Ńan mour indeeo an ajri ro Nejin.

**A**OLEP ARMEJ OTEMJEJ—emŃaan im kŏrā—kar kŏmānŃan ilo nememein wŏt Anij. Kajjojo ej juon jetŏb jitŏnbŏro likao im jiroŃ nejin jined im jemed ilaŃ, im, ilo āinwŏt, kajjojo ewŏr juon mour kwojarjar im jipadpad ippān. Oktak in ānbwinid jān doon ej juon jŏkjŏk eo eaorŏk Ńan kwaļok kadkad in kajjojo ilo mour eo mŏkta, im kadkad in kajjojo ilo mour in, im kadkad eo ejjelok jemļokin im unleplepin.

**I**LO JIKIN EO ILO MOUR EO MŌKTA, jetŏb likao ro im jiroŃ ro raar jelā im kabuŃjar Ńan Anij āinwŏt eo Jemeir Indeeo im kar erā ilo karŏk eo An eo me ajri ro Nejin remaroŃ kar bŏk juon ānbwinin kaniŏk im mour ioon laļ Ńan aer eddŏļok Ńan aer wāppen im kile jemļok eo aer ekwojarjar āinwŏt rijolette mour indeeo. Karŏk in mŏŃŏŃ eo ekwojarjar ej kŏmaroŃ kŏtaan ko ilo baamle Ńan eļļā ioon lŏb. Ewŏr kaiŃi ko im bujen ko rekwojarjar rej kŏmŃan ilo tampeļ ko Ńan kapidodo Ńan kajjojo Ńan aer jepļaak Ńan iŃaan mejen Anij im Ńan baamle ko Ńan aer koba ippāndoon Ńan indeeo.

**K**IEN EO MŌKTATA me Anij eaar leļok Ńan Adam im Eve kar ikkijeen aer maroŃ ro jined im jemed āinwŏt ļeo im lio pālele. Kŏmij kwaļok bwe kien eo an Anij ej bwe ajri ro Nejin ren timŏŃon im wŏrļok ioon laļ ejaŃin oktak. Kŏmij bar kwaļok bwe Anij eaar kakien bwe kajoor ko rekwojarjar Ńan ejaak mour rej aikuj kar jeral ikŏtaan wŏt ļeo ak lio, Emŏj kŏmālimi āinwŏt ļeo ak lio pālele.

**K**ŌMIJ KWAĻOK bwe jekjek ko me mour in ej ejaak jāni rej ij-jitŏŃ jān laŃ. Kŏmij kapenļok bwe ekwojarjar eo an mour im aorŏk in karŏk eo an Anij indeeo.

**Ļ**EO IM LIO PĀLELE ewŏr juon aer eddo Ńan iŏkwe im kŏjparok doon im ajri ro nejier. “Ajri ro rej jolet jān Iroj” (Sam ko127:3). Ro jinier im jemier ewŏr juon aer eddo ekwojarjar Ńan kŏkkaajriirik ajri ro ilo iŏkwe im jimwe, Ńan kabwe aikuj ko aer ilo jetŏb im kanniŏk, im Ńan katakin er Ńan iŏkwe im jeral Ńan doon, kŏjparok kien ko an Anij, im armej ro rej mour kŏn kien ko ijoko rej mour ie. Ļŏmaro im limaro pālele—ro jinen im jemed—naaj Ńaruwier iŃaan Anij ilo aer jab kŏmŃane eddo kein aer.

**B**AAMLE EO ej ekkapit jān Anij. Mare eo kŏtaan emŃaan im kŏrā eļap tokjān Ńan karŏk eo An indeeo. Ajri ro rej maroŃ ļotak ilo korak in mare ko, im kŏkkaajriirik er jān juon jemen im jinen ro me rej kautiej kalimŃur in mare ko ilo ejjelok irļok. MŏŃŏŃ ilo mour in baamle ej maroŃ tŏprak eļāŃe ej pedped wŏt ioon katakin an Iroj Jisŏs Kraist. Mare ko repen aer rub im baamle ko rej ejaak wŏt ioon pedped ko an tŏmak, jar, ukweļok, jeorļok bŏd, kautiej, iŏkwe, jelā Ńae doon, jeral, im Ńakŏtkŏt ko remŃan Ńan kŏkŃanŃanļok doon. Jān jŏkjŏk eo ekwojarjar, ro jemen rej tŏl ioon baamle ko aer ilo iŏkwe im jimwe im ej aer eddo Ńan kŏpooj menin aikuj ko an mour im kŏjparok baamle ko aer. Ro jinen eddo eo aer eaorŏk ej Ńan kŏkkaajriirik ajri ro nejier. Ilo eddo kein rekwojarjar, ro jemen im jinen rej kalimŃur Ńan jipaŃ doon āinwŏt mŏttā ro rej juon wŏt. MŏjŃo in ānbwin, mej, ak jŏkjŏk ko jet maroŃ aikuji Ńan oktak ko kajjojo. Ro nukid ilo baamle ko rej aikuj leļok jipaŃ Ńe emenin aikuj.

**K**ŌMIJ KAKKŌL bwe jabdewŏt ro rej rube bujen ko an kien erre, ro rej kakkure pāleen ak ro nejin, ak ro rej likjab in kŏtŏprak eddo ko an baamle eo naaj juon raan Ńaruwier iŃaan Anij. Barāinwŏt, kŏmij kakkŏl bwe ejeblŏklŏk in baamle eo enaaj bŏtkok ioer kajjojo, jukjukinped ko, im laļ ko buromŏj ko kŏnono kaki mŏktaļok jān rikanaan ro mŏkta im rikanaan ro kiŏ.

**K**ŌMIJ KŪR IOON ro aer eddo im opija ro an kien ijoko jabdewŏt Ńan iuun Ńaanļok kakien ko ļami Ńan kŏjparok im kŏkajoorļok Baamle eo āinwŏt pedped in ekkal eo an juon jukjukinped.

---

*Naan in Kean in ekar itok jān Bureejtŏn Gordon B. Hinckley āinwŏt mŏttan eo an ennaan eo ilo  
Kweļok eo Eļap an Doulul eo Eutiej an Kŏrā ro kar kŏmŃan ilo Jebtŏmba 23, 1995, ilo Salt Lake City, Utah.*

---

KABUÑ EO AN  
JISŌS KRAIST  
IM ARMEJ RO REKWOJARJAR  
ILO RAN KO ĀLIKTATA

